



MAGNA BRITANNIA

LIBER SEXTVS.



RITANNIA Insula clara Græcis Latinisque mo-
numentis, inter Septentrionem & Occidentem ia-
cet: Germaniæ, Galliæ, Hispaniæ, multo maximis
Europæ partibus magno interuallo aduersa. Albion
ipsi nomen fuit, cum Britannia vocarentur omnes
Insulæ circumiacentes. Natura triquetra, cuius
vnum latus est contra Galliam, ad cuius angulum in
Cantio fere omnes à Gallia naues appelluntur. Al-
terum vergit ad Hispaniam atque Occidentem so-

lem, qua ex parte est Hybernia. Tertium est contra Septentrionem, cui par-
ti nulla est obiecta terra, sed eius angulus lateris maximè ad Germaniam
spectat. Hanc omnibus cæli ac soli bonis natura donasse videtur: in qua
nec rigor nimius est hyemis, nec ardor æstatis, in qua segetum tanta fecun-
ditas, ut muneribus utrisque sufficiat, & Cereris & Liberi: in qua nemora si-
ne immanibus bestiis, terra sine serpentibus noxijs: contra pecorum mi-
tium innumerabilis multitudo, lacte distenta, & onusta velleribus: certè,
quod propter vitam diligitur, longissimi dies, & nullæ sine aliqua luce no-
ctes, dum illa littorum extrema planities non attollit umbras, noctisque
metam cæli & syderum transit aspectus, ut sol ipse qui nobis videtur occi-
dere, ibi appareat praterire. Hominum est infinita multitudo, creberrima-
que ædificia, fere Gallicis consimilia. Sed oppidum Britanni vocant, cum
sylvas impeditas fossa valloque munierint, quo incursionis hominum vi-
tandæ causa, conuenire consueuerunt. Nam Strabonis tempore adhuc vr-
bium loco ipsi erant nemora: arboribus enim, inquit, deiectis, ubi am-
plum circulum sepierunt, ipsi casas ibidem sibi ponunt, & pecori stabula
condunt. Postea tamen apud eam amplæ superbisque ædificijs ornat æciui-
tates instauratæ sunt.

Porro Britannia pars interior ab ijs colitur, quos natos in Insula ipsi me-
moriam proditum dicunt; maritima pars ab ijs, qui prædæ ac belli inferendi
causa ex Belgio transierant, qui omnes ferè ijs nominibus ciuitatum appel-
lantur, quibus orti ex ciuitatibus eò peruenerunt, & bello illato ibi reman-

I.
ANTIOVA MA-
GNÆ BRITANNIÆ
DESCRIPTIO.
a Plin. Hist. nat.
lib. 4. cap. 16.

b Cæf. de bel. Gal.
lib. 5.

c Paneg. Constan-
tio dictus.

d Cæf. vbi supra.

e Strabo lib. 4.

II.
MAGNÆ BRI-
TANNIÆ INCO-
LÆ.
f Cæf. vbi supra.